



Communicaziun a las medias

Cuntrasts Focus: «Noss Züri»

Cuira, ils 22-03-2018 – **La citad da Turitg ha la qualidad da viver la segund auta sin il mund. Ella è la citad la pli attractiva da la Svizra. È quai la raschun per Grischunas e Grischuns da viver a Turitg? Ils 25 da mars 2018 a las 17:25 sin SRF1 mussan ils «Cuntrasts» da Radiotelevision Svizra Rumantscha (RTR) intginas fassetas da la relaziun dal Grischun cun Turitg, analiseschan clichés e trais Rumantschas decleran tge che las plascha vi da questa citad.**

Sin la dumonda tgenina citad che saja la pli attractiva da la Svizra schessan probablamain ils paucs Grischuns: Turitg. Dasperas ranghescha questa citad dapi onns en statisticas davart la qualidad da viver sin ils emprims plazs. En ils «Cuntrasts» decleran trais Rumantschas tge che fa Turitg uschè attractiva per ellas. In'attractivitat che na fiss dentant forsa betg uschè gronda senza las auas grischunas. I fiss stgir! Finì cun bella vita! L'EWZ, l'ovra electrica da la citad da Turitg, producescha 30 pertschient da sia energia cun aua grischuna. L'emissiun «Cuntrasts» emprova era d'eruir tgi che profitescha dapli da quel «barat», Turitg u il Grischun?

In viadi captivant tranter il Grischun e Turitg

Di per di fan numerus pendularis il viadi tranter Turitg ed il Grischun. Nus avain accumpagnà dus dad els. Simon Jäger e Daniel Walser raschunan da lur experientschas. Ultra da quai confrunta l'emissiun dals 25 da mars 2018 a las 17:25 la Turitgaisa Caroline Morand ed il Grischun Arno Fallet cun tut ils pussaivels clichés vicendaivels: Èn propi tut ils Turitgais banchiers blagunzs e baterlunzs? Èn ils Grischuns chatschaders stinads davos la glina?

Televisiun Rumantscha: «Cuntrasts Focus»

dumengia, ils 25-03-2018, 17:25 sin SRF 1 (cun suttitels tudestgs) ubain sin rtr.ch/play.

Repetiziuns

mesemna, ils 28-03-2018, 08:30, 09:30, 12:45 sin SRF info

sonda, ils 31-03-2018, 17:15 sin SRF 1

Dapli infurmaziuns

Radiotelevision Svizra Rumantscha, Via da Masans 2, 7000 Cuira
Diana Jörg, referendaria communicaziun e marketing, tel. 081 255 76 29, diana.joerg@rtr.ch

Fotos RTR

Foto 1: Corine Mauch, presidenta da la citad da Turitg

Foto 2: Seglias, la centrala dal EWZ en il Grischun

Foto 3: La citad da Turitg